



20 20-yil « 10 » 01

№ 06-03

«    »    20    года

**Ўзбекистон Республикаси олий ва ўрта махсус таълим вазирининг  
2019 йил 25 декабрдаги 1173-сон буйруғи тўғрисида**

Ўзбекистон Республикаси Вазирлар Маҳкамасининг 2019 йил 23 сентябрдаги “Олий таълим муассасалари раҳбар ва педагог кадрларининг малакасини ошириш тизимини янада такомиллаштириш бўйича қўшимча чора-тадбирлар тўғрисида”ги 797-сон қарорига мувофиқ ҳамда Ўзбекистон Республикаси олий ва ўрта махсус таълим вазирининг 2019 йил 25 декабрдаги “2020 йилда ўтказиладиган олий таълим муассасалари, академик лицей раҳбар ва педагог кадрларини қайта тайёрлаш ва малакасини ошириш курслари режаси ва тингловчилар контингентини тасдиқлаш тўғрисида”ги 1173-сон буйруғи ижросини таъминлаш мақсадида,

**Б У Ю Р А М А Н:**

1. Ўзбекистон Республикаси олий ва ўрта махсус таълим вазирининг 2019 йил 25 декабрдаги 1173-сон буйруғи раҳбарлик ва ижро учун қабул қилинсин.

2. ТДЮУ ҳузуридаги Профessional ўқитиш маркази (А.Якубов), Кадрлар бўлими (А.Матмуротов) кафедра мудирлари билан биргаликда:

2020 йилнинг 3 январидан бошлаб ташкил этилган қайта тайёрлаш ва малака ошириш курсларига университетнинг раҳбар ва педагог кадрларини тасдиқланган режа-график ҳамда Бош илмий-методик марказ портали ([www.bimm.uz](http://www.bimm.uz))да келтирилган рўйхатга мувофиқ юборилишини;

тингловчилар томонидан электрон портфолио тизимида киритилган маълумотларнинг ишончлилигини таъминлаш бўйича тизимли ишлар амалга оширилишини;

уч ёшга тўлмаган ёш боласи бўлган аёллар, пенсия ёшидагилар ҳамда ногиронлиги бўлган шахсларни университет Кенгаши тавсияси асосида масофадан ўқитиш шакллари орқали амалга ошириладиган қайта тайёрлаш ва малака ошириш курсларига жалб этилишини таъминласин.

3. Кафедра мудирлари қайта тайёрлаш ва малака ошириш курсларига юбориладиган педагог кадрларнинг йиллик ўқув юкламалари тўғри режалаштирилиши ва тегишли кафедраларнинг бошқа аъзолари ўртасида тақсимланишини назоратга олсин.

4. Кадрлар бўлими (А.Матмуротов) қайта тайёрлаш ва малака ошириш курслари якунида аттестациядан такроран ўтмаган педагог кадрлар билан тузилган меҳнат шартномаларини бекор қилиш юзасидан таклифлар киритиб борсин.

5. ТДЮУ ҳузуридаги Профессионал ўқитиш маркази (А.Якубов):

тегишли йўналишлар бўйича қайта тайёрлаш ва малака ошириш курсларини тасдиқланган ўқув режа ва дастурлари асосида ташкил этиш;

қайта тайёрлаш ва малака ошириш йўналишларининг тегишли ўқув модуллари бўйича онлайн маърузалар, маҳорат дарслари, шунингдек марказлараро вебинарларни ташкил этиш;

муқобил малака ошириш шаклларида ихтиёрий бирини амалга оширган раҳбар ва педагог кадрларга мутахассислиги бўйича тингловчиларга маҳорат дарсларини ўтиб беришларига шароитлар яратиш;

қайта тайёрлаш ва малака ошириш курсларини юқори илмий-методик савияда ўтказиш учун зарур ўқув-услубий ва моддий-техник базани шакиллантириш, замонавий педагогик, мультимедиа ва ахборот коммуникация технологияларини кенг жорий этилишини йўлга қўйиш;

курслар якунида Аттестация комиссияси иштирокида ўтказиладиган аттестация жараёнларини ҳолислик, ошқоралик тамойилларига мувофиқ ўтказилиши учун тегишли шарт-шароитларни яратиш;

педагог кадрларни қайта тайёрлаш ва уларнинг малакасини ошириш ўқув жараёнини сифат жиҳатидан юксак даражада ташкил этилиши ва белгиланган режаларнинг бажарилиши тўғрисидаги ҳисоботларни ҳар цикл якунида Бош илмий-методик марказга топшириш чораларини кўрсин.

6. Мазкур буйруқ ижросини назорат қилиш проректор И.Рустамбеков зиммасига юклансин.

Адлия вазири  
Ўринбосари – ректор

Р.Ҳакимов